

Communis spiritus vel corporalis, quod est modo divinum

bet. — Spiritus est dispensatione prius.

et corpore velum in corpore melius et valuti. sua, melius.

quo melius, vel gravius mali. prout, valuti.

quo prout, vel prout, et non prout.

quo prout, vel prout, et non prout. prout, prout.

prout, vel prout, et non prout.

prout, vel prout, et non prout. prout, prout.

prout, vel prout, et non prout. prout, prout.

prout, vel prout, et non prout. prout, prout.

prout, vel prout, et non prout. prout, prout.

prout, vel prout, et non prout. prout, prout.

prout, vel prout, et non prout. prout, prout.

prout, vel prout, et non prout.

prout, vel prout, et non prout. prout, prout.

prout, vel prout, et non prout.

prout, vel prout, et non prout.

Chęć, porwany, który
ichy nieprawdę wymiła

Chęć, porwany, który
Chęć, który nieprawdę
wymyła, brzo gwałtem
z nim, który kary śmierci nie był
Karany

M. X. 14.

Janina Włodarczyk
M. X. 14.
M. X. 14.

między granicami i miedzią

(10)

DISSERTATIO MEDICA
DE
RATIONE ET
EXPERIENTIA MEDICA

Quam
SUB UMBONE NUMINIS
ALTISSIMI,

Consensu Amplissimæ Facultatis Medicæ
PRO RECEPTIONE IN EANDEM
IN ACADEMIA PATRIA

Publico Eruditorum Examine sistit

PRÆSES

GEORGIUS EMMERICH,

Med. Doct. & Prof. P. Extraord. designatus.

RESPONDENTE

CHRISTIANO FRIDERICO CROCKISIO,

Stralsund. Pomer.

In Auditorio Majori

Horis solitis

Ad Diem Octobr.

Anni curr. M DC XCIII.

REGIOMONTI,

Typis FRIDERICI REUSNERI, SER. ELECT. BRAND.
ET ACADEM. TYPOGR. HÆREDUM.

SERENISSIMI AC POTENTISSIMI
ELECTORIS BRANDENBURGICI,

Supremis in Borussia Regentibus, ac Consiliariis

Status Borussia Intimis,

VIRIS

PER-ILLUSTRIBUS, GENEROSISSIMIS AC EXCELLENTISSIMIS
DOMINIS,

DN. JOHANNI ERNESTO
à WALLENROD,

Summo Provinciae Magistro

Hereditario Domino in Bachollen / Breckelwitz / Altstadt / Königs-
see / Ziegelack / Wilkienen / Neuendorf / Grollen / &c. &c.

DN. GEORGIO CHRISTOPHORO

Sinck à Sinckenstein /

Burggrabis supremo

Hereditario Domino in Kogenhausen / Linckehnen / &c. &c.

DN. GEORGIO FRIDERICO

à Krenken /

Cancellario Eminentissimo, Supremique Tribunalis Praesidi Gravissimo.

Hereditario Domino in Weßlinen / Pöhren /

Wolffshöfen / &c. &c.

DN. OTTONI WILHELMO

à Perbandt /

Supremo Mareschallo

Hereditario Domino in Liffen / Nauten / Griescheinen / &c. &c.

DIIS PATRIAE TUTELARIBUS,

Musarum Patronis Maximis,

Dominis suis Gratosissimis, Benignissimis


In debita gratitudinis Monumentum, Sui Patrocinium, studiorumq;
commendationem, cum pio omnigenae felicitatis voto

Pagellas hasce levidenses submisit offert.

GEORGIUS EMMERICH. D.

B. C. D.

§. I.

 Citè olim Rhetor Atheniensium clarissimus Iſocrates, cujus domus cunctæ Græciæ quasi ludus quidam patuit, atque officina dicendi, magnus Orator & dicendi Magister Ciceroni dictus lib. de claris Oratoribus non longè à principio, in Oratione ad Regem Nicoclem: *Quod accurate scire vis eorum, qua scire convenit Reges, experientiâ aggredere Et Philosophiâ. Nam philosophari vias tibi monstrabit sed in ipsis operibus exerceri, posse te uti rebus, faciet.* Quæ, licet Regi saltem tum temporis sint scripta, omnibus tamen hominibus, qui scientiâ imbui desiderant aut licet jam imbutos se sentiant, applicari merentur.

§. II. Et hoc præcipuum etiam est, quod in Medico requiritur ut quæcunque accurate scire & efficere desiderat, non Philosophiâ solum seu prudenti ratiocinatione investiget, sed & experientiâ suffultus rem aggrediatur, perpendendo, num. eventus conceptibus suis ac rationibus ante inventis collectisque conformis respondeat, ne frustra laboret, & rationes merè logicas cumulas habeat i.e. tales quæ sine utilitate sine optato eventu aliquid vani à verâ distantis praxi, concludunt. Hinc omnes ferè Medici Veteres & Recentiores circa conjunctionem rationis & experientiæ maximè occupati adeò consentiunt, ut cum Plauto Captivus: Act. 2. scen. 4. Compacto rem egisse cunctos quasi in velabro olearii, dicere quis posset.

§. III. Olim equidem sub primordiis Artis Medicæ Experiencia sola florebat; Cum enim homines primitus agrotarent, necessitas illos adegit, ut remedia quærerent, undè Egrotos ad compita, viasque publicas & ubi maximus erat hominum confluxus, deducebant, ex pratereuntibus sciscitaturi, quo remedii genere in ejusmodi vel huic simili morbo quondam

dam usi fuissent, ut illud ipsum & huic applicari posset, respon-
sionem nacti benè observarunt, ex observationibus his creve-
runt experientia, quæ auctæ sunt partim casu partim divina-
tione partim insomnio, partim demonum invocatione, aliâ-
que variâ ratione. De quâ re fusius Argenterius in Galen. Art.
Comment. lib. 1. jactis per experientiam fundamentis paulatim
de rationibus cogitare cœperunt, easque investigare allabora-
runt.

§. IV. Ortæ indè variæ in Medicinâ Sectæ, & primò qui-
dem Empirica, quæ posthabitis rationibus, nullo causarum,
personarum, loci, sexus, aliarumque circumstantiarum respec-
ctu habito, solisque experimentis fidens, rem omnem confici
morbosque tolli posse profitebatur, si remedia usu saltem pro-
bata applicaret: pluris hinc faciebat, quid morbum tolleret,
quàm eundem generaret, plus oculis manibusque quam rati-
oni tribuens, quemadmodum hoc ex Galen. 2. Meth. Medend.
c. 4. & 5. item libro de Sectis ad eos qui introduc. c. 2. & lib. de
subfigurat: Empiricor: c. 5. & c. it. lib. Medicus inscripto cap.
3. 4. colligere est. Empiricam excepit Methodica, quæ in di-
versam à priori abiens sententiam certâ methodo, eâque nec
longâ nec difficili totam artem brevi temporis sex scilicet men-
sium spatio à discente comprehendere posse audacter nimis asse-
rebat. Affectæ ejus spretâ consideratione partis affectæ, ætatis,
virium, causarum præcætarcticarum & similium, duobus vel tri-
bus generalioribus contenti præceptis: Astricta solvere, soluta
astringere & in misto urgentiori succurrere docebant, sicque
officio Medici satisfactum arbitrabantur: Gal. Introduct. f. Me-
dicus cap. 3.

§. V. Ambæ hæ à rectâ rationis semitâ devix ad sanio-
rem mentem deductæ inque viam reductæ sunt à Dogmaticis, qui
mediam viam ingressi nec solam experientiam infidam sæpè re-
rum Magistrum admittere, nec soli rationi credere, ut pote quæ
sine

sine experientiâ vana & inanis, voluerunt, sed experientiam cum ratione conjunctam basin & fundamentum artis posuerunt. Galen: lib. cit. de Sectis adeosqui introd. c. 3. 9. Plura qui legere cupit de Sectis his Medicorum adeat Galenum in libris citatis it. lib. de opt. Sect. ad Thrasybulum. Corn. Celsum in præfat. lib. Primi. Mœbium in fundam. Medic. Physiolog. cap. 1. Ejusque Epitom. Instit. Li. c. 1. Ettmull. in Medico Theor. & Prax. instructo cap. 1. aliosque quam plurimos.

§. VI. Ab illis temporibus, quodocunque Medicina floruit, felix semper connubium rationi cum experientiâ initum est, nec unquam rectè stantibus Medicinæ terminis, ad hoc usque tempus divortium sunt passæ, sed per universam artem adhibitæ, imo si omnes Medicinæ partes perscrutemur, rationem & experientiam ubique maximum genuini Medici *ἐπιτήριον* comperimus. Hæc fusius aliquantum pensitare animus est, ita tamen ut in antecessum ab æquivocatione voces istas liberemus & quid propriè per experientiam, præsertim quid per rationem intelligendum veniat, explicemus.

§. VII. Sumitur verò vox Rationis multifariam, & est ex illorum genere, quæ multipliciter dicuntur; omnes autem ejusdem significationes hic enumerare, uti non concedit instituti ratio, ita nec pagellarum harum angustia eas caperet, undè quasdam præcipuas adducere satis erit. Et 1. quidem accipitur pro intellectu ipso seu facultate animæ potentiæque rationali, quâ homo distinguitur ab animantibus brutis & suprâ reliqua animalia omnia elevatus Deo fit proprior. Sic Cicero lib. 1. de legibus. *Animal providum sagax plenum rationis & consilii, quem vocamus hominem præclarâ quadam conditione generatum esse à supremo Deo. Solum enim est ex tot animantium generibus atq; naturis particeps rationis & cogitationis, cum cætera sint expertia, quid est autem, non dicam in homine, sed in omni cælo atq; terrâ ratione divinius? quæ cum adolevit atque*

A 2

perfe-

perfecta est. dicitur ritè sapientia &c. It. libr. 2. Tuscul. quæstionum §. 47. Domina omnium & Regina ratio vocatur, Sumitur 2. pro ratiocinatione, quæ est rationis seu intellectus operatio seu ratio in exercitio constituta, uti Stephanus Chauvin lexic. philosoph. rationali notat.

---*Hanc altâ Capitis fundavit in arce*

Mandatricem operum prospecturamque labori

Claud. de 4. Consul, Honor

Pro definitione ratio sumitur, ut homo simpliciter sic dictus & homo albus non differunt subjecto sed ratione vel definitione, 4. Pro modo methodoque tractandi: ut ratio dicendi s. pro certis propositionibus aliquid probantibus s. pro argumentis ut: rationibus i: e. argumentis adduci. Denique 6. usitatissime accipitur pro Causâ s. eo quod aliquam causâ rationem habet, ut Cicero pro Aulo Cæcinâ: Nulla est ratio amittere ejusmodi occasionem. Plures significationes æquivocæ hujus vocis videri possunt in lexicis item in Distinct. philosoph. Ioh. Lud. Castanxi.

§. VIII Tam diversas significationes Experientiæ vocabulum non agnoscit, sed accipitur plerumque pro quadam cognitione, quæ nullo docente per usum contingit, s. uti Galenus Libr. de optimâ Sect. ad Thrasyb. c. 11. dicit: *Experientia est comprehensio & observatio eorum, quæ pluris circa idem visa & notata sunt.* Et Aristoteles lib. 1. c. 1. Metaphys. Experientiam ex memoriâ fieri asseverat, multæ enim ejusdem rei memoriæ, unius experientiæ vim efficiunt. Quæ itaque per experientiam nobis communicantur, eorum cognitio à posteriori saltem s. ab eventu, ab effectu, procedit, hincque distinguitur à ratione quod mediante hac plerumque à priori rem scire laboremus. Ad Experientiam verò sensuum externorum usus requiritur. Verum an his semper fides adhibenda, uti hujus loci non est inquirere, ita ut paucis nos expediamus, dicimus:

cimus: quodsi omnia requisita ritè disposita adsint, non facile in devias errorum vias abducere nos valent. Requiritur porrò sapius repetita per sensus externos observatio ad rite expediendam experientiam. Sensus itaque experientiæ ancillatur & licet ad illum unus actus unicaque perceptio sufficiat, ad hanc v. plures requirantur perceptiones; nihilominus cum æque à posteriori s. ab eventu probet sine rationis adminiculo, opponatur etiam sapius rationi ut ap. Arist. lib. 1. Metaph. c. 1. utique ad experientiam pertinebit, non aliter ac experimentum, quod unico etiam actu perficitur, si autem sapius sapiusque repetatur, oritur & exsurgit tandem experientia

§. IX. Quando itaque dicitur, quod Medicina duobus cruribus initatur, *πειρα* scil. & *λόγῳ* Experientiæ & rationi, innuitur, quod ejusmodi propositionibus sit superstructa, quæ ratione s. certis argumentis ex causis s. à priori (in omnibus equidem non æquè feliciter sed quantum possibile) petitis probari & postmodum experientiâ seu à posteriori & ab effectu comprobari possunt. Item, quando Medicus ratione ac experientiâ uti affirmatur, nihil aliud indigitatur, quàm quod Medicus certam ratiocinationem ineat discursumq; in animo formet, causas inquirat, ex signis eorumque collectione tum diagnosis non negligat, quam prognosin instituat, curationem pro varietate circumstantiarum, ætatis, sexus loci, vitæ conditionis &c. variet, & remedia certâ ratione probata adhibeat. Deindè experientiam consulat, non vana & inania proponat, non cum eventu minimè correspondentia admittat; sed sensu effectuque evidentia usurpet, dulcique harmoniâ experientiam rationi jungat.

§. X. Quemadmodum duobus incedere pedibus facillimum, uno v. aut altero crure amputato, claudicare oportet hominem, ità nec ratione, inquit Septalius in Animadvers. & Caution. Medic. l. 1. §. 24. p. 8. in curandis morbis Medicus so-

lum nitatur, nec usu aut nudâ experiētiâ. Claudicat enim Medicus, alterutro horum crure destitutus; Ratio igitur ab experiētiâ incipiat & in eam desinat, experiētia autem Duce[m] habeat rationem & in eam denique terminetur, Ultra enim per se indigens, altera alterius auxilio eget. H. I. Duobus fulcris Machina quædam firmitus insistit quam uno & duobus oculis multò feliciter cernere possumus quàm altero excusso, sic Ars Medica rectâ ratione & verâ experiētiâ ut fulcris robustissimis statuminatur. Et Medicus ratione lucem præferente & experiētiâ comprobante ut duobus oculis clariùs tenebras errorum dispellere evitare, & veritatem introspicere valet.

§, XI. Quamobrem, cum per omnem Artem Medicam primatum obtinere rationem & experiētiâ dixerimus, paucis dispiciemus, quomodo in singulis id præstent Medicinæ partibus, Medicumque in considerationem sui trahant. Et primò quidem in physiologiâ, quæ tractat res secundum naturam in rebus naturalibus diversimodè notandas, res autem illæ secundum naturam sunt effectus, qui à naturæ bonitate dependent & vocantur Sanitas, Causa & Effecta s. Accidentia sanitatis. Videatur clariss. Bruno in Dogm. Medic. gener. part. I. cap. I Et Sanitas præsto est si causæ rectè procedant, & œconomia animalis ritè se habeat, undè *συμβεβηκότα* actiones scil. Integritas & cœtera rectè consequuntur, Quæ omnia in Physiologiâ vulgò tradita ratione & experiētiâ demonstrantur. Argumentis enim & à priori evincitur positâ causâ, omnibusque ad illam necessariis poni etiam effectum. Effectu ritè se habente subsequuntur etiam immediate ejus accidentia; Deindè à posteriori s. ab eventu ad oculum sæpè demonstratur præsertim ex Anatomia Vivorum, veritas dictorum. Ut eò feliciter connubio stabili jungantur Ratio & experiētia in Physiologicis, Physica & in hac Anatomica Notitia Physiologiæ Medicæ adjicitur, & quàm bellè corpus humanum ejusque cono-

conomia in statu naturali se habeat, ratione & experientia docetur. Ut etiam hæc eò melius concipi queant, in subsidium alia scientia, artesque mechanica trahuntur, probaturque ex hydraulicis fluxus & refluxus fluidi vitæ & animalis, ex pneumaticis arduum Respirationis negotium, motusque sanguinis fermentativus, ex Mechanicis partium fluidarum dispensationes & secretiones, solidarum motus, earumque maxima firmitudo, in attollendis præcipue vel maximis gravissimisque ponderibus. Consuli de his possunt incomparabiles Naturæ Mystæ Robert Boyle, Borellus, Bohnius, alique passim in scriptis ipsorum. Et hac ratione saltem s. in Theoriâ proposita tot tantisque luculentissimis exemplis, curiosissimis experimentis, pretiosissimis tentaminibus, laboriosis etiam Anatomis sectionibusque artificiosis tum cataverum humanorum tum animalium brutorum viventium comprobantur, sicque nihil intentatum relinquitur, quod pro ratione ac experientia Medicâ stabiliendâ facere possit.

§. XII. Et omnia hæc tam operose perquiruntur & indagantur, ut eò certius quid postmodum in statu præter naturam s. morbo quem Pathologia tradit, de morbo, causâ morbi & symptomatibus statuminari queat. Ad usum enim conferuntur hic in Physiologicis ante proposita, demonstraturque quomodo causa morbum producere, huncque symptomata ritè insequi & concomitari instar umbræ corpus possint. Ratio hic adeò ornat Medicum ut luculenter pateat, quantum distent æra lupinis s. quantopere Rationalis praxi & Theoriâ instructus Medicus distet ab aliis, Empiricis scil. & nauci hominibus, qui illotis ut dicitur, imò spurcis & spuriis rem Medicam aggrediuntur manibus secundum vulgatos versiculos.

*Jactant se Medicos, quidvis Idiota, sacerdos
Judæus, Monachus, Histrio, Rasor, Anus
Miles, Mercator, Cerdo, nutrix & Arator
Lamia, Deceptor, Pharmacopola, Magus*

Qui

Qui (exceptis tamen meritò excipiendis) nescio quam sæpius in morbis Æthiologiam afferunt, ratione & experientiâ destitutam. Cum contrario Medicus rationalis notiâ structuræ partium aliarumque necessariarum rerum beatus, causas & rationes cum experientia Anatomicâ convenientes dare possit, (undè scil. hoc vel illud phænomenon originem ducat, quomodo & per quas vias eliminari queat;) sicque magis methodicè curationem postea suscipere.

§. XIII. Nec Semeiologia s. Doctrina, quæ de signis agit, rationem & experientiam respuit, mediantibus enim his signorum collectio instituitur, certa ab incertis, vera à falsis, conjecturalia à Pathognomonicis distinguuntur. Docent illæ, quantum subsit veri in Sphygmologiâ quâ ratione scil. pulsus intermittens & ad tempus deficiens, imò ad sensum abolitus sæpius non malum, nedum lethale præbeat signum, uti nec magnus statim indicet bonam corporis constitutionem; quàm latè pateat Uromantia, quid scil. & quantum adeò decantatæ hodienum divinationi ad matulam sit tribuendum & quantopere illi, qui in omnibus quibuscunque morbis sine discrimine certam diagnosin, certumque prognosticon ex inspectione urinæ eruer laborant, fallantur & fallant imò τῆς ἐλπίδος καὶ τῶν πραγμάτων ἀποτυχόντες ἐξαπατῶντες καὶ ἐξαπατηθέντες. Spe & re frustrati, decipientes & decepti i. e. in cassum laborantes ut habet Bruno in D. M. G. pag. 2. ità Ratio svadet, in febribus malignis necessariò urinam debere esse immutatam & à statu naturali s. sano declinantem sec. cit. Brun. lib. part. 3. c. 4. §. 12. Experientia autem testatur urinam feбри malignâ laborantium sæpius urinæ sanorum esse simillimam. Sic Urinam nigram aliusque coloris tetri non terribilem statim Medico esse, nisi probè pensitatis circumstantiis aliis, ratio & experientia evincunt.

§. XIV. Maximè etiam celebrat experientiam rationi conjunctam Diætetica rerum non naturalium usum nobis sistens;
Dum

Duni enim ratio suggerit, ea in rebus non naturalibus dictis optima esse, quæ in se sunt bona, moderata, nullaque excessivâ vi aut qualitate prædita, mox experientia supponit, si cum consuetudine vivendique ratione etiam convenient. Sic Ratio fsuadet: Aerem purum, sincerum, nullis peregrinis, tetris effluviis imprægnatum humano generi optimum, experientia mox limitat, illumque probat, qui unius cujusque hominis naturæ & vitæ statui convenit. Exemplum præbet Rusticus ille ap. Dieterichium in jatreo p. 1166. Item Nautæ in salis acrioribusque oceani effluviis, felicius viventes, quam si fuerint in terrâ continenti, alique ex regionibus disitis huc advecti luculenter id testantur. Sic Ratio & experientia demonstrant, alimenta modicè assumpta fieri medicamenta, immodicè, maxima præbere nocumenta. Somnum largiorem præsertim meridianum cunctis non obesse. Affectus animi vehementiores & immoderatos dictos admitti interdum, dum moderati non sufficiunt; imò sanitatis gratiâ largius sese invitare quendam posse, & quæ plura heic Ratio cum experientia suggerit.

§. XI Porro si unquam, certe in Pharmacia ratio & experientia requiruntur, quæ remedia tam naturalia è triplici regno petita quàm artificialia, simplicia & composita cumulatim proponit; quemadmodum & Chirurgia, manûs ope auxilium ferens, ni rationem & experientiam Ductores & Comites nacta fuerit; omnia medicamenta, omnia remedia, cæcò consilio & nefariò ausu adhibita, erunt uti gladius in manu furiosi. Præsertim circâ inventionem legitimamque applicationem medicaminis, nunquam ratio (si possibile) foret separanda ab experientiâ sed hæc potius semper illâ ferruminanda, dummodo facultas Medicamentosa essentialis satis nobis esset perspecta, modusq; operandi evidens, nec scire nostrum in hac Universitate adhucdum parziale existeret. Interim Ratio cum experientia, non dimetiendas semper esse facultates medicamentorum & qualitates secundum primas illas dictas, earumque gradus jam diu svasit

Hippocrati lib. de prisc. Medic. sect. XXVI. 21. dicenti, Non calidum est &c. Confer, sect. XXIV. 20. it. XXX. 9. it. XXII. 2. ejusd. libri.

§. XVI. In Therapeuticâ denique partium Medicinæ omnium nobilissimâ & præcipua, cui & Hygieinam addimus secundum sanam rationem i. e. veram medendi methodum, (Arcanorum arcanum sec. Capiuaccium) Indicationes à causis primariò, secundariò à viribus symptomatibusque procedendum, non neglectâ fidâ rerum Magistrâ Experientiâ; num, scil. animo concepta eventui sperato sint responsura, num primitus responderint. Indagatâ tandem causâ applicanda remedia non solum rationi convenientia sed & usu clara & perspicua. Atque sic Ars in omnibus suis operibus, Medicus verò in cunctis actionibus suis Rationem & experientiam indivulsum, quantum tamen possibile, sibi commendatas habet, easque ut filum Ariadnæum sequitur, adeò, ut quæcunque Consulti hi facienda svaserint, faciat; quæ omittenda, omittat. Itâ enim non faciliè in errorum Labyrinthum deducetur, sed ubique actionum suarum certus, intrepidè curationes aggredietur, ratione scilicet & experientiâ nixus.

§. XVII. Cum autem Medicum ratione & experientiâ debere esse instructum dicimus, dubitare quis posset: an Junior etiam Medicus præstare id ipsum queat, ceu cui ratio firma adhucdum deest, judicium adest minus confirmatum, insuper experientiâ destituitur, quæ scil. uti & longis venitusus ab annis, undè concludi posse videtur, quod juvenis Medicus tantâ ad Medicinam faciendam ratione & experientiâ nondum beatus, praxin ritè aggredi non possit, donec grandævior factus rerum Magistram consalinam acceperit. Respondet Joh. Baptista Silvaticus Controvers. 43. p. m. 208. *Vulgus senes omnes, qui annosi sunt, junioribus præferendos esse credit; Sed non faciunt cani sapientiam aut rugæ, inquit Eloquentia Pater Cicero, sed ut cum magnâ doctrinâ multum usum conjungant.* Junge Fran-

Francisc. Vallesium in Controvers. Med. Proœmio libr. 8. Sed quid obstat, quò minus dicamus, juniores, per quos tamen non maximè juvenes, adolescentes aut pueros adhuc intelligimus, utp. quorum ætas omnia in majus & vehementius peccata facit, *omnia enim juvenes nimis agunt, nam amant nimis & nimio odio habent & alia omnia similiter, quippe qui se scire omnia putant & asseverant* inquit Aristot. Lib. I. Rhetoric. cap. 12. p. m. 436. sed jam provectiori ad virilem accedente gaudentes ætate, quorum indoles est, ut *neg. valdè confidant, neque nimis metuant, pulchrè ad utrumq. se habentes. Neque omnibus credunt neque omnibus non credunt, sed ex veritate judicant magis* sec. Aut. cit. c. 14. Et hæc sanè maximè requiruntur ad Medicum, ut scil. neque credulus nimis, neque nimis incredulus sit, sed *ex veritate judicet* & neque excedat, neque deficiat, sed, quod moderatum est ac conveniens eligat. Juniores ergò dicimus Medicos feliciori præditos ingenio, mentisque acumine præ Senibus, utpote magis refrigeratis, cum illi calidiores existant; eorumque judicium in vigore, senum autem in declinatione. Vid. mores senum loc. cit. cap. 13. Tum sat rationis habebunt juniores, si, cæteris paribus, legitimâ usu fuerint medendi methodo; Nullus insuper ad curandum praxinque exercendam admittitur, nisi legitimè de studiis & experienciâ ductu excellentiss. Medicorum acquisitâ, examinatus fuerit. Sed posito, non concesso: propriâ juvenem Medicum nondum gaudere, quid vetat, quo minus à fidis Præceptoribus, Conscientiosis Majoribus communicatâ commodè frui experienciâ, usumque Medicinæ genuinum tot seculis probatum, & hodiè variis experimentis illustratum, in actum deducere queat. Concludimus ergò.

*Quod Patribus meritò meriti servantur honores,
Atque novis maneat gloria sancta Sæpibus*

§. XVIII. Verum enim verò, licet in genere & ut plurimum Medicus in omnibus, quæ ipsi perficienda occurrunt, reminisci debeat axiomatis: Non, nisi cum ratione & ex-

perientiâ; Hippocrâtem tamen suo jam tempore occlamantem
audiet Aph. I. sect. I. ἡ πείρα σφαλερὴ, ἡ κρίσις χαλεπή. Experi-
mentum periculosum, judicium difficile. Quæ tamen expli-
cari possunt quod si separatim sumantur experimentum &
judicium, utique illud periculosum, hoc difficile existat, sed
conjuncta certius quid concludere valent. Tum experimen-
tum nondum constituit experientiam, sed demum si sæpius
repetitum fuerit. Sciendum igitur, quantum possibile & ut-
plurimum rationem & experientiam conjunctim in rebus Me-
dicis esse observandas, universalitatem verò omnibus numeris
absolutam obtineri nullatenus posse.

§. XIX. Sed cum Ratio sæpè vel deficiat, vel aliud svade-
at, experientia autem contrarium præbet, quæritur: Cui præ-
rogativa attribuenda, falcesque præferendæ? Nonnullis Auto-
rum à partibus Rationis stare placet, nos experientiæ potius li-
tandum [in sano tamen sensu minimè Empiricis patrocinan-
do:] putamus, sequentibus inducti rationibus: & 1. quidem
quod Ratio nostra imperfecta rerum omnium veras indagare cau-
sas & phænomena ritè explicare secundum ipsam veritatem insuf-
ficiens existat, percipiat sæpè factum, sed verum operandi mo-
dum enucleare minimè valeat & cum nihil perfecti in mundo
sit, nec illa de altiori perfectitudinis gradu sibi gratulari possit.
Verum enim est effatum subtilis Scaligeri Exercit. 131. *Nos in
luce rerum tenui caligare, in mediocri cæcutire, in majori cæcos
esse, in maximâ insanire.* Et Galenus suo jam ævo exclamat:
τὸ πάντῃ ἐν πᾶσιν ἐξεργάζασθαι Φλόαρον. *Omnia in omnibus per-
vestigare velle, nugatorium.* lib. de totius morbi temporibus c. 5.
2. Quod Rationis effectus nullus sit in Medicinâ, nisi in actum
deducatur, è contrariò Experientiæ effectus sensibus animad-
verti, oculis videri, manibusque palpari sæpe numero possit. 3. Her-
bis non verbis velint curari morbi, hinc in arte exercitato, licet rationem
artis suæ tam accuratè nesciat, plus fidendum quam puro Dogmatico s.
tali, qui tantum ex ratione disputare & de morbis eorumque curatione sel-
quipedalia fundere novit verba. Rectè enim Galenus in hunc sensum:
*Esi multa sæpè comminiscitur ratio, ea tamen præter omnem spem
eludat*

illud experientia hinc ex 6. Epidem. Comm. 5. text. 32. colligimus: Experientiam esse artium matrem, quâ rationes omnes dijudicantur. Conferatur optimè huc quadrans historia de Empirico exercitato, & alio quopiam Medico rationibus saltem utente apud Gal. lib. de subfig. Em. pir. c. 13. item Hippocrates Præception. sect. 11. 14. &c.

§. XX. Experientiæ prærogativa 4. inde probatur, quod omnis Medici intentio illuc directâ esse debeat, ut efficiat si ut opus post se relinquat, quod nihil aliud est quam sanitatem Egro conciliet; si id per artem i. e. habitum cum rectâ ratione effectivum fieri potest, bene se res habet, si autem per artem fieri nequit[: cum in multis recta ratio vel desit, vel vacillet, vel contrarietur:] per aliud quid, quod simillimum arti est, tendandum; id autem simile arti *Experientia* audit. Uti pluribus testatur Aristot. lib. 1. Metaph. c. 1. *Experientia penè simile quid scientiæ ac arti esse videtur. Per Experientiam autem ars & scientia hominibus efficitur.* *Experientia enim, ut reblè Polus ait artem efficit, imperitia casum &c.* Et paulò post. *Ad agendum itaq; nihil videtur experientia differre ab arte.* Expresse insuper 5. Aristoteles in hoc ipso capite fatetur, finem suum melius consequi qui experientiam habent, quam qui solam rationem. Sic enim loco est. *Si quis magis rationem absque experientia teneat, sæpè numero errabit à sanando is, quin imò videmus, expertos magis id quod intendunt, consequi, quàm illos qui rationem absq; experientia tenent.*

§. XXI. Quod si 6. vel centum rationes adessent, hocce vel illud svadentes & experientia id ipsum nondum comprobasset, tutò in usum vocare apud hominem non liceret, non enim experimenta facere cum periculo aut per mortem aliorum esset integrum, & sic omnes illæ rationes incassum prosterant, ni experientia veras illas pronunciarer; Experientia autem, dummodo veræ, plus sane tribuendum Videmus etiam 7. quod hodiernum plerumque post rem experimentis probatam rationes & causæ pro stabilendâ eâ demum conquirantur. Et quid tandem tot tantique libri Observationibus & historiis repleti à tot retrò seculis nobis communicati, & hodiernæ Collectaneæ curiosorum Naturalium Scrutatorum, ac Ephemerides Eruditorum aliud agunt, quam ut experientias in hoc, isto, illo visas & observatas conscribant, in simili casu olim in memoriam revocandas, Rationes autem post experientiam demum eruantur vel nullæ planè, dum humana sagacitas illuc pertingere nequit, adducantur. Difficillimum denique 8. vel cruditissimo Medico sonet, veram omnium ab ipso adhibitorum remediorum causam & genuinum operationis modum explicare aut morbi causam genuinam in quovis individuo enucleare.

§. XXII. Cum experientiâ itaque tantisper facere licet, donec veras rationes tempus & occasio suppeditaverit. Scitè Ettmill. in præfat. Disp. de Præcipit. usu & abus. p. m. 171. *Præstat subinde, sæpe numero etiam necesse est pro praxi feliciter exercenda, ut in Empiricorum castra, circum spectè tamen aliquamdiu se conferat Medicus, in casu scil. quo rationis certioris aut evidentioris destitutus est adjumento.* Et Joh. Bapt. Silvati. in lib. Controv. 43. p. m. 205. *Quoddam divinum, inquit, habere creditur experientia, quæ nonnullacere verissima sensibus nostris sæpe objicit, quorum rationem reddere, omnino sit impossibile,* his tamen fidem omnem adhibendam esse Galenus voluit &c. Vid. loca perplura ex Galeno ibidem citata. Pulchrè etiam disserit Sylvius in Disp. Med. Nonâ l. in primâ de febribus §. 27. & 28. *Nihil, inquit, in Medicinâ vel naturalium rerum cognitione admittendum pro vero, nisi quod verum esse ostenderit aut confirmarit per sensus externos experientia; quicquid enim ingenium etiam subtilissimum & sagacissimum excogitare potest, humanæ menti maximè probabile atque plausibile, id omne artem Medicam si spectet tantisper falsi suspectum esse Prudentibus debet, donec id ipsum verum esse, hoc est tale quale fingitur, in rebus ipsis actu observari, manifestarit veritatis Magistra Experientia.* Conf. §. 1. ejusdem. loci.

§. XXIII. Concludimus itaque, salvâ interim aliorum, diviniord præditorum ingenio, sententiâ: rationem, si sumatur pro ratiocinatione s. deliberatione utique Medicum ubique adhibere oportere, in methodo scil. medendi, indicationibus rite administrandis, remediisque applicandis, ubivis enim circumstantiarum, sexus, ætatis, vitæ conditionis, consuetudinis &c. ratio est habenda & tempora bene distinguenda. Si verò Ratio accipiatur vel pro causâ rei, vel pro modo operationis, licet hæc ad amussim perferutari non valeat Medicus, quod nihilominus in Medicinâ feliciter progredi queat; quamvis enim *non diè* semper non assequatur, sufficit ut *non omni* ipsi cognitum sit; In remediis præsertim adhibendis, licet hæc à priori demonstrari non valeant, verusque ipsorum operationis modus adhucdum lateat, nihilominus dummodo à posteriori sapius comprobata fuerint, fides illis denegari non possit. Ità tamen ut interdum saltem per solam experientiam probata in usum vocentur remedia, ut plurimum autem ea præsidia in curatione adhibeantur, quorum efficacia non solum à posteriori s. usu sed à priori s. ratione probet.

Et sic rectè Ratione & Experientiâ utentem Medicum si non semper, ut plurimum tamen optatus beabit

FINIS.

*animae ad in corpore beatitudinem, in qua o speculatio
 libet spiritus sancti
 regni Regi. in illa o
 o in perfectio
 ad ad in finem, in
 o*

1. X. 14

Notis



864700 **Bibliotheca** 13000-J.
P.P. Camaldulensium in Bielany

Depozyt w Bibliotece Jagiellońskiej



09337

*lumen
 in
 allenius*

